

Addie (J.)

TENTAMEN MEDICUM
INAUGURALE,
DE
DIARRHOEA.

QUOD,
ANNUENTE SUMMO NUMINE,
Ex Auctoritate Reverendi admodum Viri,
D. GULIELMI ROBERTSON, S.S. T.P.
ACADEMIÆ EDINBURGENÆ Praefecti;

NEC NON
Amplissimi SENATUS ACADEMICI consensu,
Et nobilissimae FACULTATIS MEDICÆ decreto;

PRO GRADU DOCTORIS,
SUMMISQUE IN MEDICINA HONORIBUS AC PRIVILEGIIS
RITE ET LEGITIME CONSEQUENDIS;

Eruditorum examini subjicit ✓


JOANNES ADDIE,
SCOTUS,

Societ. Reg. Med. Edin. Sod.

Ad diem 24. Junii, hora locoque solitis.

EDINBURGI:
Apud BALFOUR et SMELLIE,
Academiae Typographos.

M,DCC,LXXXVI.



Dr Hamilton
With Compts from his
humble Serv^t the
Author

Viro Eximio

JACOBO GREGORY, M. D.

Inter Summos

Doctrina et Literis Illustri;

Cum ob Consilia et Praecepta,

Tum ob Amicitiam,

Qua se dignatus est,

Hoc Tentamen,

Animi haud ingrati testimonium,

Sacrum voluit

A U C T O R.

THE NEW YORK PUBLIC LIBRARY

ASTEN LENOX TILDEN FOUNDATION

505 N. 5TH ST. NEW YORK, N. Y.

1911

1912

1913

1914

1915

1916

1917

1918

1919

1920

TENTAMEN MEDICUM

INAUGURALE,

DE

DIARRHOEA.

IN oeconomia animali, munia quibus intestina funguntur, horum sentiendi tenerior facultas, ac consensus mirabilis qui haec inter diversasque totius systematis partes obtinet, in causa sunt, quare multi morborum quibus sunt opportuna saepe laceffunt, multique subito lethales fiunt.

Nullus eorum attentionem medici non sibi vindicat, neque ullus hanc attentionem melius meretur, quam morbus de quo nunc leviter sum tractaturus.

Quamvis enim multoties mitis, quamvis saepe non tam cito, quam multi alii morbi, ad lethi

thi januasducit; tamen in quibusdam exemplis symptomata diriora edit, aegrosque quam celerime rapit; vel saepius sese jungens aliis morbis aliter sanabilibus, vires his necatrices non in solito conciliare videtur.

DEFINITIO ET HISTORIA MORBI.

Celeberrimo nostro Praeceptore ita finitur:

‘Dejectio frequens; morbus non contagiosus; pyrexia nulla primaria*.’

Originem ex fontibus tam diversis ducit, et in decursu phaenomena tam varia edit, ut perdifficile imo fere impossibile, aut haec enumerare aut illa investigare, eveniat.

Haud raro, ante hujus ingressum, corpus languidum, debile, horrores et aliquando rubores leves invadunt, anxietas circa praecordia et interdum nausea et vomitus vexant. Abdomen tumet murmuratque. Tormina, circa umbilicum,

* Synops. Nosol. Meth. G. LXI.

cum, aut ad tractum coli, leviter torquent. Lumborum dolores et gravitas infestant. Flatus deorsum emittuntur.

His vel vigentibus, vel praegressis, ingens ad alvum deponendum oboritur propensio; nisus, ad istam finem, consequitur, et multae faeces liquidae excernuntur. Aliquid exinde levaminis aegroto plerumque accedit, sed languidus, et frigoris impatiens, restat; brevi etiam renovatur desidendi cupiditas, et alvus iterum iterumque dejicitur.

Per aliquot dies, vel etiam hebdomadas, haec signa interdum ita sese ferunt; persistente autem morbo, aliis diris symptomatis stipata, aegrum vel lenta tabe depascunt, vel immani vi celeriter subruunt*.

Dejectionibus numerosis et acribus, intestina naturali muco, quo sunt illita, orbantur, irritantur, inflammantur. Haemorrhoids, tenesmus, et intestini recti prolapsus, sequuntur. Appetitus cibi prostermitur, vel si permanferit, ingesta male concocta sunt fomiti profluvio. Sitis aucta,
urina

* Vid. Willis. Pharm. Rat. sect. iii. de dysenteria incruenta, ut et Morgagni de sed. et caus. Morb. epist. XXXI. cas. suum. Car. Piso de colluv. ferof. Auct. Pract. passim.

urina parca, lingua et cutis arida, hoc morbi stadium saepe concomitantur. Pulsus sunt parvi, debiles, frequentes, saepe intermittentes, oculi sunt tristes, ora pallida, corpus tabidum, et animus demissus. Dolores capitis, vertigo, et aurium tinnitus, valde urgent. Spiritus, ex quovis corporis motu, difficile trahitur, cor palpitat, et sudoribus frigidis, frontem et pectus tegentibus, aeger in animi deliquia dilabitur.

Placida quies lassis denegatur membris, et somnus fere omnino fugit oculos. Nunc oedema, vesperem versus, pedes et crura occupat, ac febris hectica jamjam incensa reliquias virium prorsus absumit. Tandem singultus, aphthae, et delirium affligunt; faeces inscio elabuntur; artus frigescunt; atque nunc ad ultimam rerum lineam perductus, plerumque inter alvum deponendum absumitur*.

Hac via, morbus hicce saepe cursum tenet; et, quamvis frequenter sit mitior, quamvis non raro videtur esse salutaris naturae conatus, quo corpus a noxis multis et morbis liberat; est plerumque malum pertinax, et etiam si saepius fuerit

* Vid. Baglivi prax. cap. de diarrhoea.

erit depulsus, iterum a levissimis neque semper detegendis causis redintegratur*.

Materies excreta, pro morbi causa et aegri conditione, multum variat, ita ut atra, viridis, albida, nunc bilem, nunc seram, nunc saniam, pus, aut chylum, maxime referat†. Fluit aliquando spumans mucosa lineamentis sanguineis tincta, imo quandoque excernitur sanguis sincerus, et morbus dysenteriam aemulatur veram. Interdum excrementa, frustis alimentorum sunt mixta, interdum referunt adipem, interdum referunt gluten‡. Aliis ramenta intestinorum tunicis similia, aliis vermes, aliis calculi, aliis demum hydatides || cum faecibus dejectis, prodire videbantur.

* Vid. Ill. Gregorii Consp. Med. Theoret. § 656. ad easque naturam.

† Clar. Culleni Prim. lin. et Synops. Nosolog. Method. et Illust. Sauvages Nosologia.

‡ Cel. Van Swieten com. in Boerh. Aph. § 719.

|| Celeb. Gregorii Praelect. Clin.

D I A G N O S I S.

INTER hunc et dysenteriam, in exemplis quibusdam, diagnosi valde difficilis. Dysenteria enim aliquando ut diarrhoea incipit, et dum signa pyrexiae leviora vel fere nulla adsunt, faeces alvi naturales, in primis morbi diebus, excernuntur. E contrario, est aliquando videre diarrhoeam principiis morborum febrilium adesse, et saepenumero sese proferre, omnibus fere signis pyrexiae stipatam.

Nec tormina graviora, nec natura dysenteriae contagiosa, certius illam a diarrhoea omnibus in casibus fecernunt. Tormina enim gravia, hanc etiam non insolito concomitantur, et quanquam concedatur diarrhoeam nunquam esse contagiosam, nemo ibit inficias, eam haud raro esse epidemicam, et rebus ita se habentibus, non semper facile erit dicere, utrum a contagio, utrum ab alia causa occulta morbus ortum duxerit.

In horum morborum decursu, indicia minus incerta emergunt, quibus hi inter sese certius

et

et clarius dignoscantur. In dysenteria, stercus naturale est retentum, excretiones parvae, mucosae, cum scybalis, faetorem sibi proprium emittunt *, et homines, effluviis abhinc prodientibus, objecti, morbo huic simili corripuntur. In diarrhoea, quod dejicitur, perraro scybalis mixtum, rivo pleniore fluit, nec videtur esse contagiosum. In dysenteria, quoties exoneratur alvus, molestissimus est quasi descensus ac depressio intestinorum, ac viscerum omnium †. Si haec, in diarrhoea, unquam in conspectum veniant, multo mitiora cernuntur.

Diarrhoea biliosa, non nisi in gradu, a cholera differre videtur; nam eadem plerumque causa ambos morbos gignit, eadem pene phaenomena in illorum decursu proveniunt, eademque remedia utrique occurrunt.

In diagnosi, hic ut alibi stabilienda, non abs re erit, tempus anni, quo morbus primo sese prodit, aegri morbos praegressos, aetatem, temperiem, et vitae genus animadvertere, ut et remediorum effectus, si aliqua fuerint administrata.

CAUSAE

* Vid. Sir John Pringle's diseases of the army.

† Clar. Sydenham De Dysenteria.

C A U S A E R E M O T A E.

Juniores, faeminae, debiles et laxi faepius hoc ab morbo laborant. Ei praecipue dant proclivitatem, cutis capitisque morbi, fed ante omnes, plerique morborum canalis alimentarii, et vifcerum adjacentium, ut enteritis, colica, cholera, dysenteria, fchirrus, inflammatio, eorumque fequelae, in glandulis mefentericis, hepate, liene, renibus, utero, et vefica.

Omnia in corpus recepta, aut intus genita, quae facultatem intestina ftimulandi tenent, vel, quae in iis humorum quantitatem augment, hujus fundamenta jacent.

Hujus generis funt, I. Alimenta.

II. Medicamina et Venena.

III. Animalia.

IV. Corpora duriora.

V. Excretiones.

I. Maffa

I. Massa alimentaria, quamvis ex materia mitiori conflata, motum vermicularem, qua pollet ventriculus et intestina, ciere queat; musculi enim omnes, viribus distentionis obediunt, iisque in contractiones validissimas saepissime trahuntur.

Sanitate vigente, dum cibi et potus tantum sumitur, quantum ad vires solummodo reficiendas et sitim restringendam valeat, nil est incommodi exinde; sed e contrario, hominibus ita vitam tolerantibus, nova hilaritas, novaeque vires, ad omnia vitae munera obeunda, proveniunt. Motus peristalticus rite absolvitur, et potestates nocivas, si quae cibo vel potui fuerint, subigit, et tempore idoneo e corpore omnino extrudit.

Si aliquando autem, ex consuetudine prava, five conditione corporis morbida, homines, plus justo cibi potusve ingurgitaverint, ventriculus distentus et supra modum gravatus, in contractiones validissimas conjicitur, materias male subactas intestinis tradit, quae similes motus spasticos concipiunt, et diarrhoeam faciunt.

Alimenta, etiamsi in quantitate mediocri sumpta, quandoque, ex materiis quibusdam conficiuntur, quae facultatem, intestina ad motus validiores

lidiores excitandi, tenent. Ab experimentis certiores fumus facti, cibum potumque aliquid salinae indolis (veluti sacchari) in suo sinu tinentem, ea facultate esse praeditum, et saepe saepius diarrhoeam inducere. Victus quoque, ex rebus liquidis et lubricis, ut et pocula liberiora, etiamsi mitia et blanda, neque motum peristalticum, neque excretiones intestinorum augeant, facile, per istam canalem transire, et dejectiones solito frequentiores facere possint.

Saepenumero etiam, in ventriculo et tubo intestinali, mutationes subeunt alimenta, quibus, aut per se, aut cum bile aliisque ventriculi et intestinorum succis mixta, ad motum peristalticum ciendum, aptiora eveniunt. Ita victus, ad fermentationem acidam vel putridam proclivis, videtur fieri hujus morbi causa. Exempli prioris, est invenire, in fructibus multis et herbis; posterioris in oleis, praesertim animalibus, pro cibo liberius usis. Ut illa hoc modo, fluxus alvi fons et origo fiant, ex signis dyspepsiae praeeuntibus, ex odore acido, et colore viridi dejectionum, et ex remediis, feliciter, in isto rerum eventu, adhibitis, medicis nunc melius innotescunt. Ut haec, in colluviam putridam dilabatur, et ita diarrhoeam gignant, certiores fumus facti,

facti, putridis eructatis et dejectis, ut et effectibus, quos edunt acida aliaque antiseptica, ad diarrhoeam cohibendam epota.

Num motum peristalticum augendo, solum agunt? Nonne quoque, majorem proventum bilis aliorumque humorum provocent? In diarrhoea, a putridis effluviis orta, multum bilis flavae foetidaeque egeritur, et cholera, interdum oriri, et non insolito ab ingestis ad putredinem proclivibus renovari et augeri, dicitur. Num vires et actionem vasorum resorbentium, ad interiora intestinorum, minuunt? Vires concoctrices certe minuunt, vel omnino superant, et ex hoc fonte forsitan omnes effectus ab his dimanantes, originem ducere queant.

An unquam alimenta inconcocta, per glandulas mesentericas transeuntia, has ita stimulant, ut schirrum et inflammationem in iis gignant? Fiantne hoc modo fluoris alvi causae remotae? Rem ita esse videtur. Tenelli enim, qui male concoquunt, et qui vitam viscido et crassiore cibo tolerant, frequentius tabe mesenterica, cui coeliaca est saepe comiti, corripuntur.

II. Remedia omnia cathartica et venena multa alvum cient. Illa dosi nimis larga adhibita, et haec vel quantitate minima infeliciter sumpta,
 saepe

saepe catharsin pleniorē, nimisque diuturnam, efficiunt. Primarum viarum vires multum imminuunt, eoque mobilia reddunt. Quaedam horum, inflammationem et ulcera in locis, quibus sunt admota, gignunt, omnia, fluxum humorum copiosiorē, in tubum alimentarium eliciunt, hujusque motum vermicularem intendunt.

II. Animalia, inter hujus morbi causas sunt recensenda. Infantum et juvenum diarrhoea, a vermibus in tubo intestinali hospitantibus, principium saepius trahit. Si contemplemur facultates, quibus haec animantia gaudent, et officia quibus funguntur, non mirabile erit hoc ita evenire.

Adhuc vivi, victumque quaerentes, sursum et deorsum repunt, hoc deficiente aut corporibus noxiis illos irritantibus, viscera ipsa rodunt. Muci viscidi putridi multum generant, eoque fluxui copiam suppeditant, ac intestina in motum validiorem trahunt. Mortui etiam, et in colluviem putridam ruentes, modo alius saburrae simili huic ortum conciliant.

IV. Corpora duriora, in tractu alimentario formata, praeter alia symptomata graviora, diarrhoea aliquando stipantur, ut nuperrime in
aulis

aulis clinicis hic loci erat videre. Saepenumero quidem alvum adstrictam sibi confociunt; sed dummodo canalem ex toto non occludunt, diarrhoeam scabritie, mole, gravitate, faciunt*.

Causæ huic simili forsitan referre debemus, fluxum subito lethalem, qui olim post institutam pro fistula ani operationem, aegros corripere solebat. Chirurgi, tunc magis arti quam naturae fidentes, turedines magnas, acribus et calefacientibus remediis imbutas, in vulnera magna, ad intestinum rectum inflicta, trudebant. Quid inde proveniret? Inflammatio certe intestini recti quod totum canalem alimentarium cum seipso in consensum trahens, motus in eo convulsivos excitaret, atque alvi profluvium consequeretur. Huic causæ forsan vires condonaret habitus corporis depravatus, qui non insolito isti malo originem præbere, vel saltem cum eo confociari videtur. Sed multo rarius nunc diarrhoea affligit, cum chirugi novum æximumque induxerunt morem istius curationis instituendæ.

An huc fluxum a calculo in vesica urinaria relegare decet? Dolorem et inflammationem, ad
 2 C collum

* Clar. Gregorii Praelect. Clin. ut et Clar. Monro Praelect.

collum vesicae calculus saepius facit. Haec per interventum membranae cellularis, vasorum sanguinem vehentium et nervorum, recto communicantur, et hinc forsitan diarrhoea. Sed hic, in animo tenere non alienum videtur, hos, qui calculo in viis urinariis sunt vexati, saepenumero etiam ab acido in ventriculo et intestinis laborare, quod, ut in aliis casibus, alvi profluvium inducere, vel ei ab aliis causis ortae fomiti esse possit.

V. Excretiones acrimonia gaudentes, vel solito copiosiores, alvi fluxui originem tribuunt. Sub hoc capite sunt recensenda bilis, succus pancreaticus, sanguis, sanies, pus, alique humores in ventriculum et intestina ex vasis eorum fecernentibus profusi.

1. Bilis in statu naturali, et per se et forsitan aliis conjuncta, est intestinis stimulo; et si causa quavis, sive acribus ingestis, sive animi pathematis, sive calore externo, sive capitis aliufve partis morbis, copiosior vel acrior solito fuerit effusa, hujus morbi occasio fieri potest. Et quidem, non inter causas ejus insolitas recenseri debet. Omni fere in exemplo diarrhoeae, vires ejus intendit, et uni speciei ab illa praesertim progenitae nomen dedit.

2. Suc-

2. Celeberrimus Cullenus inter alvi fluxus causas succum pancreaticum memorat, et credere videtur, istam glandulam adhuc sanam et integram, humorem acrem fecernere posse. Nullus dubito, quin status diversi glandularum, mutationes multas et magnas fluidis ab his secretis inferre possint; succi enim, glandulis omnibus in corpore secreti, acriores fiunt, dum hae inflammatione, schirro, aliisque morbis, afficiuntur. Sed copia solum abundans, dejectiones justo frequentiores facere potest. Alienis quoque quae intestinis scatent commixtus, indoles varias induat, vel si aliquid acre e corpore evehat, ut alia acria, secretiones et motum intesti-
norum augere queat. Inclytus Monro sibi persuasum habet, Mercurium, in hominibus quibusdam, diarrhoeam ciere, secretionem hujus succi copiosiore excitando*.

Num causae huic simili diarrhoea infantum dentientium tribuere debemus? An saliva, tunc temporis in copia uberiore secreta et deglutita, fieri potest hujus mali origo? Copia nimia forsitan succum gastricum in pejus mutat, et ventriculum gravans concoctioni nocet. Certe il-
lo

* Praelect. adeas.

lo tempore, neque ut solito cibum appetunt, neque bene concoquunt. Num autem haec dyspepsia hac ab causa provenit, num a febricula tunc incensa, num potius a sympathia nervosa, apud medicos adhuc parum constat.

3. Sanguis ex vasis sanguiferis, per intestina partesque vicinas repentibus, ruptis, eros, vel per anastomosis apertis, occasionem diarrhoeae praebet, quae nomen sibi melaenae fortitur. Globuli sanguinis rubri extra venas effusi, et in calore corporis humani detenti, celeriter in putredinem ruunt, ac in hoc statu, tubo intestinali applicati, validos in eo motus cient.

Sani adhuc et integri stimulum satis validum vasis sanguiferis inferunt, et in ventriculum delapsi, nauseam et vomitum excitant, vel per pylorum transeuntes sunt fluxui occasioni.

4. Saniem huic fini contribuere, diris exemplis docemur. In cynanche maligna, sanies ab ulceribus faucium deglutita, tormina et fluxum foetidum, non minima malorum istius morbi comitum, facit. Siquando etiam, ulcera mali moris viscus abdominis quoddam occupaverint, humorem similem profundent, et similia indicia edent. Sunt nobis exempla, in uteri et pancreatis carcinomate, atque saepe in hepatis exulceratione,

ratione. Huc quoque referre possumus diarrhoeam quae in aphthis et pemphigo, a vesiculis et escharis tractum alimentarium occupantibus, oritur.

5. Pus, ab ulceribus in ipsis intestinis, vel in partibus corporis adjacentibus, ad speciem peculiarem hujusce morbi gignendam, contulit. Resorberi quoque, sicut alii humores, ab aliis corporis cavis, iterumque per vasa intestinorum excernentia, in illorum sinum fecerni potest. Febris hectica, plerumque, a resorpto pure vel sanie, ex quavis corporis parte, originem trahit. Et verisimile, imo quidem certum est, diarrhoeam in ea colliquativam, ab istis ad interiora depositis, non raro oriri. His enim progenitis materia ex ulceribus externis resorpta, optime occurritur spongia ulceribus applicata *.

6. Praeter ea, omnes humores, copia uberiori, vasis intestinorum exhalantibus secreti, alvum sollicitant, et diarrhoeam gignunt. Aqua pura,
et

* Homo, qui in Nosocomio hic loci nuper decumbebat, post artum amputatum, febre hectica et diarrhoea colliquativa corripiebatur. Quod dejiciebatur pus a membro mutilato secretum colore et consistentia valde referebat. Eximius Chirurgus Thomas Wood per aliquot dies spongiam vulnere adhibuit, quo tempore et febris hectica et diarrhoea sanabantur.

et olea blanda, partim mole, partim tenui et lubrica natura, catharsin aliquando faciunt; idemque videtur evenire a secretione copiosa muci visceri, quo intestina obducuntur, etiam cum nil acritudinis possidet. Multarum autem secretionum, acrimoniam cum harum copia auctam, invenimus. Hujusce rei, omnibus sunt exempla notabiliora, in ulceribus, in catarrho, et in leucorrhœa; et idem evenire in canalibus alimentarii secretionibus auctis, probabile fiet, si causas hujus inspiciamus.

a. Prima, frequentissima, et maxime notabilis, est perspiratio cohibita. Medicis bene notum est, noxium quoddam, hac via, e corpore eliminari, etiam dum corpus sanitate maxime viget. Equidem manifestum est, hanc excretionem, alma natura, ad sanitatem tuendam, fuisse institutam; nam si hæc, vel gravibus animi affectibus, vel coelo humido et frigido, vel vitæ genere victuque pravo, fuerit repressa, corporis salus exinde multum vacillat. Siquando id quod ejicitur in longum fuerit retentum, vel iterum in corpus receptum, symptomata tam dira, quam acerbissimum venenum hominibus adferre videtur*. Compertum quoque est, quod fomites eo imbuti,

* Vid. Sir John Pringle's diseases, cap. de febre carcer.

imbuti, cutique admoti, pruritus, inflammationem, exulcerationem, ibi loci faciunt. Quum res ita sese habent, nonne abhinc concludere licet, idem intestina versus delatum, et organis ibi perspirationis vice fungentibus, secretum, humoribus eo ruentibus, vim stimulantem conciliaturum esse. In coryza a frigore orta, humores membrana narium mucosa secreti aliquando, labrum superius et nares inflammant, et excoriant.

b. Alia, secretionis adauctae per intestina, causa est ischuria. Quicumque noverit quam multa acria e corpore, per vias urinarias, sunt delata, et quomodo hae, aliquando irritantur urina, facile videbit, eandem ad primas vias determinatam, secretiones per villos eorum exhalantes inquinare posse, iisque non illi assuetis irritationem magnam adferre.

c. Causa huic similis est aucta fluidi resorptio, ex cavis hydropicis. Certe non est pretium operae, ut ego ostendere conarer, ista fluida, pleisque in exemplis, nonnihil, et aliquando multum acrimoniae, continere. Nec videtur, quod vires systematis sanguiferi, istam acrimoniam subigere possunt; humores enim dejecti, specie valde referunt eos paracentesi detractos, saepe fa-

torem

torem tetrum emittunt, sensumque doloris et ardoris, per intestina transeuntes, efficiunt.

d. Ad hoc, quaedam acria sunt in corpus quandoque recepta, quae vel ad vasa intestinorum fecernentia missa, illorum secretionem augent, et motui vermiculari calcar addunt, vel tales corporis totius et partium ejus condiciones efficiunt, quales ad eundem finem perducunt.

Diarrhoea, in multis morbis a contagio ortis, videtur oriri a materia morbifica hos morbos faciente, e corpore per intestina abeunte. In variolis, alvi fluxus saepe ab ipso initio, fere semper versus morbi finem, infestat. In morbillis, scarlatina, multisque aliis, idem saepe accidit. Neque est cur demiremur hoc ita esse. Quicquid enim contagium sit, quod hos morbos in lucem edit, certe illi est potestas motus validos in primis viis, aliisque systematis partibus excitandi, et nunc in una, nunc in alia parte, figit sedes, exercetque tyrannidem.

Nil dubii est, quin contagium per aera haurire, et cum saliva deglutire possit, ac in ventriculo et intestinis haerens, humoribus a seipso elicitis vires stimulantem conferre queat. Siquando aliter in corpus fuerit receptum, ad colum alimentarium transferri, ibique cum fluidis separatum,

ratum, eisdem vel similes effectus, similiter poterit progignere. Dubia, quae theoria contra illius metastasin ac separationem suggereret, non mihi melius condita videntur, quam quae contra cantharidum ad vias urinarias translationem, earumque a fluidis separationem, adduci queant; nemo tamen sanus super tali re vel minimum concipit.

Sed hoc modo non solum agit. Illa saepenumero tantae mutationes et in fluidis et corporis solidis sunt inductae, quantaе fluidis ab his secretis mutationes graviores inferre possint. Non insolito dat fluidis proclivitatem ad putredinem, et in morbis pyrexia stipatis, quando diarrhoea maxime urget, indicia plerumque multa indolis fluidorum putridae adsunt, excretiones fere omnes in pejus ruunt, ac facies externa odorque faetidus dejectionum ostendunt, has quoque esse multum contaminatas.

Interdum spasmus in corporis superficie inducendo, interdum omnes solidas partes debilitando, fluida per intestina secreta acriora reddere queat. Ex usu discimus, quod ulcerum vasa, viribus corporis fractis, humores minus puros in copia justo ubcriore secernunt, atque in fluore albo, idem ab eadem causa videtur eveni-

re. Nonne quoque verifimile, nonne verum est, quod primarum viarum vasa excretoria, hoc vel alio modo, laxa et debilia facta, globulos rubros cum vi magna feri, in eas a sanguine separari fiant? Num diarrhoea saniosa, quam in febribus quibusdam malignis, in scorbuto aliisque morbis, affligere videmus, talem ortum agnoscit? An statui fluidorum putrescenti sit tribuenda? An potius ambobus simul junctis? Parum interest, utrum primum, secundum, vel tertium, pro causa ponamus; nil est dubii, quin ibi excrementa a statu sano deflexere, ac sunt solito acriora.

e. Denique, in erythemate intestinorum, actio vasorum exhalantium ita augeatur, ut verifimile fiat, illa in isto statu, fluida secreta, viribus stimulantibus proferre. In erythemate, cutem occupante, materiam ibi excretam, in multis exemplis acerrimam invenimus, cutem partesque subjectas rodentem.

Tantum addam, utcunque motus peristalticus, et actio vasorum canalibus alimentarii fuerint aucta, five frigore, five animi pathematibus, five aliis causis jam plenius recensitis, ex analogia, et effectibus quibus stipantur, conjicere liceat, humores tunc ab his excretos, non tam mites esse quam in horum statu naturali. Et quamvis
ergo

ergo methodi, secretionis auctae causas seorsum perpendimus, saepe plures earum conjunctas, ad eandem metam tendentes, nobis est videre.

C A U S A P R O X I M A.

ANTIQUI medici, et multi etiam inter recentiores, crediderunt, hunc morbum fuisse progeniem levitatis intestinorum. Inspicientes cadavera eorum, qui illo vexante moriebantur, intestina ut cogitabant leviora quam in statu naturali, inveniebant; atque animos adhibentes ad speciem rerum dejectarum, easque conspicientes, tenui, mucosa, et lubrica natura donatas, illico colligebant, eas sua tantum mobilitate ac gravitate, celerius ad inferiora fuisse lapsas, et ita originem alvi profluvio dedisse. Quumque alvum cibi durioris usu constipatam, et cibi liquidioris usu solutam viderent, haec avide arripiebant, ad theorias quas super hoc fundamentum struxissent fulciendas.

Alii, hac opinione non omnino contenti, laxitatem potius intestinorum hujusce morbi causam

sam esse voluerunt. Ægros paralyfi afflictos, et moribundos, post resolutum ani sphincterem, diarrhoea corripì videbant; et quamvis illa, nec aetatem, nec sexum, nec temperamentum, aliquem, omni tempore, saluum praeſtare viderent: juvenes, faeminas, et eos qui habitu molli ac mobili erant praediti, vel qui longis laboribus et diutinis morbis erant fracti, illam frequentius adoriri observabant. In gonorrhoea mucosa, et catarrho chronico, et fluore albo, excretiones copiosas, cum vaſorum excernentium laxitate junctas, si non ab illa ortas, cernebant, avidique simplicitatis, hanc pro causa diarrhoeae sola statuebant.

Medici nunc hodie, argumenta parum respicientes, quibus horum utrique suis opinionibus verisimilitudinem conciliare conabantur, motum intestinorum peristalticum auctum, pro sola hujusce morbi causa posuerunt; sed motus peristalticus non solus alimenta et faeces ad inferiora sollicitat; motus quoque et positura corporis, non parum ad istam finem contribuunt; et cibi liquidi et excretiones intestinorum copiosae, saepe citius justo, sine aucto peristaltico motu, ac sine ullo fere conamine, dejiciuntur. Equidem, si causa proxima id sit sine quo morbus fieri non possit,

possit, et quo existente, morbus semper sequitur; melius mihi videtur, molem materiei liquidæ in tubo intestinali auctam, ejusque ad anum descensum celerem, pro causa hujus morbi proxima ponere. Motus peristalticus aliquando augeri possit et nulla diarrhoea consequeretur; nam, si eodem tempore actio vasorum lacteorum augeatur, humores qui aliter propulsi et fluxui occasione fuissent, in sanguinem iterum revehuntur. Exercitatio certe omnis motum vermicularem intendit; tamen notum est, equitationem alvum aliquibus constipare. Porro, si obstructio quævis intra tubum alimentarium haereret, quamvis motus vermicularis fuerit auctus, nullum alvi profluvium adestet. In schirro pylori, in colica callosa et calculosa, atque in hernia post data cathartica, symptomata nobis ostendunt motum intestinorum peristalticum quandoque augeri, et tamen nullam diarrhoeam sequi posse.

P R O G N O S I S.

CAUSIS morbi et decursu, ut et aegri conditione probe perspectis, medicus ad prognosin eruendam

eruendam sese accingat. Si fluxus a viscerum abdominalium schirro, ulcere, carcinomate; si in phthisi, tabe mesenterica, et febre hectica, ortus fuerit; vel, si morbos diuturnos, qui jam fregerunt vires, sequatur; malum. Si in longum fuerit protractus, corpus extenuatur; appetitus cibi et concoctio labefactentur; ac si senes et mulieres uterum gerentes exerceat, malum iterum. Sed quando, in istis corporis conditionibus, dejectiones sunt copiosae, faetidae, nigrae, si vel animi deliquium, vel singultus, vel aphthae laceffant, de aegro omnino actum est.

E contrario, prognosis sit fausta, cum hae conditiones defunt, cum juvenes, qui succis luxuriantur et robore, ac cum infantes aliis malis liberos adoritur. Bonum praebet signum debita urinae excretio; quia hac via excerni posse talia, qualia ad intestina delata, iis irritamento forsitan fuissent, et quia sanguinem renes versus determinatum esse ostendit. Ob easdem causas, copiosa perspiratio, in exemplis quibusdam, curationem pollicetur.

METHO.

METHODUS MEDENDI.

NATURA benigna, saepe nil indiga medicinae ope, alvi fluorem sanat; contra autem, interdum et vires naturae medicatrices omnino superat, et nullis est medicabilis herbis. In omni autem casu, ubi vires naturae deficiunt, boni est medici opem ferre, et saltem lenire mala quae summoverti nequeant.

In curatione instituenda conandum est,

I. Causas remotas amovere vel corrigere.

II. Morbi progressui obstare, et symptomata lenire.

III. Ejus reditui occurrere.

I. Causas valde diversas invenimus, et prout causa varia, ita eam aut amovendi aut corrigendi methodus. Et in casibus diversis :

1. Emetica.

2. Cathartica.

3. Diluentia et demulcentia.

4. Antacida.

5. Antiseptica.

6. Anthelmintica sunt utenda.

7. Quan-

7. Quando alii morbi dant huic originem, adhibenda sunt remedia morbum primigenium faciendo idonea.

1. Emetica. Si morbus ab ingluvie, vel ab acri quovis in ventriculo haerente, vel si a frigore humores ad inferiora pellente, ortus fuerit; nullum est auxilium præstantius, nullum tutius, nullum promptius, quam sunt remedia hujus generis. Non tantum ventriculum exinaniant, sanguinis motum per totum corpus liberum efficiunt, congelationes abnormes tollunt, exhalationem per cutem interruptam renovant, et forsitan motum peristalticum compescunt.

Ad hæc omnia perficienda ipecacuanha maxime in usu est, et quidem fructus tam eximios et salutes protulit, ut per longum tempus in veneratione, tanquam specificum, adversus alvi profluvia habebatur. Post vomitum plenum, parvis dosibus ad nauseam usque et lenem catharsin administrata, præstantissimos effectus dicitur edidisse*. Ut facultatem astringentem simul cum vomitoriis et catharticis virtutibus tenens, pro omnibus aliis emeticis esse potest, et primum est recensendum inter

2. Pur-

* Lond. Med. Obs. Dr Pye.

2. Purgantia. Multis olim fuit medicis solenne, alvi solutae curationem, a remediis catharticiis inire; adhuc etiam haud pauci virtutibus rhei, non sine fructu confidunt*. Num autem illius effectus, qualitatibus catharticiis potius quam virtutibus ejus roborantibus, tribueremus, nescio. Certe ut auxilium roborans, melius pro cathartico in diarrhoea quam remedia infirmitas adhiberi potest. Num resorptionem auget? Certe in sanguinem transit, urinam aliquando tingit et movet. Forsitan nausea quam facit, ad effectus ejus producendos, multis in exemplis valet. Huic aliqui ipecacuanham addunt, et credunt, illud tum melius satisfacere votis. Sed caute his et aliis purgantibus utendum est, et non nisi profluvium acria ingesta, scybala, vel vermes pro causa agnoscit, ullum fere opus est iis. Neque in isto rerum eventu semper sunt utilia†. Si originem ab erythemate, seu a fluidorum conditione morbida, traxerit, vel si his conditionibus fuerit stipatum, usus eorum ex toto est repudiandus, et melius erit decurrere ad

2

E

3. Dilu.

* Clar. Hope Praelect. Bot. Illius praxis fidem verbis tribuit.

† Vid. Illustr. Culleni eximias cautel. Prim. lin.

3. Diluentia et demulcentia. Sub hoc titulo sunt recensenda omnes liquores tenues, mites, ut aqua pura et hordeata, decoctum avenaceum, ferum lactis, juscula tenuia. Demulcentia stric-
tius dicta sunt gummi omnia, olea blanda, eorumque emulsiões, plantarum, quae aliquid mucilaginis continent, infusa aliaque praeparata, ut decoctum farfæ et althææ, infusum lini ac tussilaginis, &c.

Omnia hæc, quacunque perveniunt, ad acrimoniam minuendam, et partes solidas defendendas a stimulo humorum præter naturam acrium, sunt idonea *.

Ex hujus morbi symptomatum et causarum conspectu, manifeste patebit, quod summo cum fructu remedia hujus generis, in plerisque ejus exemplis, possint administrari; humores huic copiam suppeditantes fere semper aliquid acritudinis secum adferunt, et partes per quas transeunt non rarius male sese habent. Non omnes hujus generis remediorum virtutes in primis viis evolvuntur: Transeunt per vasa lactea, obstructions in iis et visceribus omnibus referant.

In

* Clariss. Gregorii Consp. Clariss. Cullen. Prim. lin. Auct. Pract. passim.

In sanguinem delata, ibi acria obtundunt, inviscant, hæcticam ab ipsis ortam extinguunt, et excretiones per renes et cutem liberiores reddunt. Quamvis autem his multae magnaeque sunt virtutes, non carent vitiis. Copia nimia sumpta, ventriculum debilitant gravantque. Ibi detenta, acorem induunt, et ita nova hujus mali causa fiunt, cui est occurrendum

4. Antacidis. Validissima et maxime horum commoda sunt sales alkalini, magnesia, et terrae calcariae, ac iis, vice omnium hujus classis remediorum, uti possumus. Primum et secundum, cum acido juncta, vim purgantem tenent; exinde terrae calcariae, quae vim potius astringentem acido additae acquirunt, frequentius et felicius, ad cohibendam ab acido diarrhoeam, usurpantur. Cavere autem decet, ne ex usu eorum uberiori globi intra intestina formentur; et infantibus quibus alvus astricta foret perniciiei, saepe melius erit magnesiam quam terras calcarias porrigere, quum hi ab acido laborant. Dum signa putredinis fluidis vel dejectionibus insunt, nunquam in usum venirent. Sed tum potius danda sunt remedia

5. Antiseptica. Haud necessarium est, ut omnia sub hoc nomine recensita hic loci enumerare

rare conarer; omnes herbae, fructus et fruges, ac cibi et potus ab his parati, ut et acida omnia, tam vegetabilia quam fossilia, merito inter primaria habentur. Eidem consilio inferviunt diluentia et demulcentia, neque abs re erit, nunc roborantia, nunc stimulantia, nunc sedantia adhibere.

Acida fossilia, et praecipue vitriolicum, sunt maxime in usu. Sed si diarrhoea scorbuticos laceſſat, optima remedia sunt fructus acido-dulces, et boni cibi ex frugibus et herbis parati. In diarrhoea quoque, hectica concomitata, hi interdum perutiles fuere reperti. Semel mihi contigit videre, Egregium Hamilton Noſocomii Regii Edinenſis Medicum, puellae, hectica febre et diarrhoea pertinaci correptae, fraga, groſſulas, aurantia, aliaque ſimilia concedentem; et quamvis omnia alia remedia ab Iſto Viro, aliis in exemplis, ſumma prudentia ſummoque beneficio abhibita, parum profeciſſent; dum puella his frugibus veſcebatur, et hectica et diarrhoea evaneſcebant. Ab Illuſtri Gregorio accepi, quod idem in ſua praxi iterum iterumque eveniſſet; et forſitan ſaepius eveniret, ſi medici in talem praxin ſaepius irent*. In diarrhoea bilioſa quoque,

fructus

* Clar. Cullen. Prim. lin.

fructus maturi aciduli cum summo beneficio fructu ere adhibiti *.

6 Diarrhoea, cui vermes sunt occasione, non nisi post horum animantium expulsiōem amoveri queat; et remedia anthelmintica, ad hunc finem utilia, sunt in usum vocanda. Multa sub hoc nomine sunt decantata a vegetabilibus et fossilibus desumpta, qualia sunt semen fantonicum, tanacetum, absynthium, ruta, colocynthis, nicotiana, spigelia Marylandica, cortex Geofroee Jamaicensis, praeparata ex ferro, cupro, mercurio, stanno, aqua calcis et Harrowgatenensis, &c. &c. Ex his et aliis id genus, delectus fiat pro aegri conditione et vermium specie quae illi infestat, e. g. Ad ascarides necandas, aqua calcis et Harrowgatenensis, infusum coloquintidae aut nicotianae, sub forma clysteris, sunt adhibita. Adversus lumbricos pulvis seminis fantonici, aut spigeliae Marylandicae, aut stanni, dantur forma boli. Contra taeniam, infusum aut decoctum corticis Geofroee administratur. His expulsis, et curatione morborum aliorum, fluxui ortum concedentium, omnino praetergressa, pervenitur ad indicationem

II. Quae

* Ill Sauvages Nosol. Method. Class. ix.

II. Quae erat morbi progressui obstare, et symptomata lenire; haec absolvetur,

1. Anodynis.
2. Astringentibus.
3. Sudorificis.

1. Anodyna. In plerisque exemplis, auxilia quae causas remotas amoveant, vel earum actioni obstant, praestantissimum levamen hoc in morbo adferunt, et aliquando hunc omnino tollunt. In aliis autem bene multis, lethalis arundo haeret infixæ, et, quamvis fuerit revulsa, vulnus quod fecit curatione indiget. Remedia, quae dolores et irritabilitatem sopiunt, huic multoties adfuere. Hujus classis primum et certissimum est opium, quo, vice omnium fere aliorum, medici hoc in malo utuntur, et quidem uti debent. Praefens solatium adhibet, et mobilitatem minuendo, spasmos et motus intestinorum convulsivos tollit. Somnum et requiem aegrotis conciliat, eoque vires reficit, et, consuetudinem malam abrumpendo ac perspirationem augendo, non infrequenter morbum ad exitum felicem perducit. Saepe tamen, pro tempore tantum, aegris auxilium adfert, saepe ventriculum debilitat, atque hoc modo ad morbum, cui remedio esse debuit, proclivitatem progignit. Hanc ob causam, et propter

propter tenesmum saepe infestantem, summo cum beneficio in enematibus parvis emollientibus, dosi largiore adhibetur. Saepe quoque astringentibus et aromaticis jungitur, et tum remedium constituit, quod vel puro opio vel astringentibus multo efficacius invenitur *.

2. Astringentia, prout intestina eorumque vasa roborant, prout irritabilitatem et mobilitatem minuunt, ac prout acori et putredini obstant, hujus morbi progressui resistere, ejusque symptomata sublevare, possint.

Ea quae optime votis respondent, sunt terra Japonica, gummi kino, lignum Campechense, gal-lae, cortex cascarillae, granatorum, quercus, si-maroubae, alumen, aqua calcis, praeparata ferri et zinci.

3. Sudorifica hunc abstulerunt morbum, ubi omnia alia remedia omnino spes medicorum fefellerunt. Eximius inter cutem et intestina consensus intercedit, et nulla fere conditio in unius excretionibus induci possit, qua excretiones alterius non magnopere afficiuntur. Hoc nimis bene in febre hectica observari potest, ubi sudores

* Confect. Japon. Pharm. Ed. et Jul. Sift. Pharm. Paup. sunt exempla.

res colliquativæ diarrhoeam fiſtunt, et ab hac viciffim fiſtuntur. Sudorifica, fluidorum determinationem cutem verſus augendo, horum in primas vias impetum, et cum eo, excretiones in illas minuunt, reſorptionem per vaſa lactea augent, et nociva quædam, per cutem natura excernenda, promptius et efficacius expellunt.

Ad hoc caput multa et varia remedia referuntur, qualia ſunt remedia diluentia, vomitoria, anodyna, ſtimulantia, &c. &c. Plura horum, ut in pulvere Doveri ſudorifico ſimul juncta, tutum et certum remedium efficiunt, quod diluentibus adjutum, omnium aliorum vicem ſupplere poterit.

III. Morbo his vel aliis remediis depulſo, obſtandum eſt ejus reditui roborantibus remediis, bono victu et veſtitu, evitando frigus, aliasque cauſas remotas, et, ſi res facile ferant, melius erit mitius coelum petere.

F I N I S.

Med Hist
W4
E23
1786
A.1